

جوادالائمه نین برکتلی موجودو

حضرت امام جواد (ع) 195 هجری قمری ایلین رجب آی نین اونوندا مدینه شهرینده دونیاا گۆز آچدی. شیعه لرین دوققورونجو امام امام جواد (ع) 203-جو ایلینده آناسی امام رضانین (ع) شهادتیندن سونرا سککیز یاشیندا اماملیغا چاتدی.

حضرت امام جواد (ع) 195 هجری قمری ایلین رجب آی نین اونوندا مدینه شهرینده دونیاا گۆز آچدی. شیعه لرین دوققورونجو امام امام جواد (ع) 203-جو ایلینده آناسی امام رضانین (ع) شهادتیندن سونرا سککیز یاشیندا اماملیغا چاتدی.

امام جوادین (ع) خیردا یاشیندا اماملیغی شیعه لرین چوخونا عجیب گلیر حتّی بیر عده سی تردیده دوشور. بو مسأله اوزمان لاپ جنجاللی مسأله لرین بیریدی.



خیرانی دئییر: آتام خراساندا امام رضانین محضریندها ولدوغونو تعریفله بیر، بیر او حضرت سوروشور: «سیزین باشیزا بیر شنی گلیرسه سیزدن سونرا جماعتین امامی کیمدیر؟» امام بویوردو: «ابوجعفر (امام جواد)». «دنیه سن سوروشان بو جوابدان قانع اولمور آخی او زمانلار امام جوادین یاشی 7 جیواریندایدی. حضرت جوابدا بویوردو: «الله تعالی عیسی نی ابوجعفر دن داها آز یاشیندا تازا بیر شریعتین پیغمبری کیمی سئچدی. بونا اساساً نه اشکالی وار الله ابوجعفری خیردا یاشیندا اماملیغا چاتدیرا».

مریم سوره سی نین 30-جو آیه سی حضرت عیسی نین بنشیکده بئله دئمه سینی تصریح ائلیر: «إِنِّي عَبْدُ اللَّهِ آتَانِي الْكِتَابَ وَ جَعَلَنِي نَبِيًّا؛ من الله بنده سی یم. او منه کتاب وئریب و منی نبی ائدیب».

نه مانعی وار الله اؤز مطلقه گوج و حکمتی اینن بیر شخصی بعضی مصلحتله گۆره نبی و یا امام ائله یه. نئجه کی قرآنین بویوردوغو اساسیندا الله تعالی عیسی و یحیی نی اوشاقلیقدا پیغمبرلیق مقامینا سئچیب. الله قرآندا یحیی (ع) باره ده بویوردو: « یا یحیی خُذِ الْكِتَابَ يَقُوُّ وَ آتِنَاهُ الْحُكْمَ صَبِيًّا؛ الله بن کتابینی قدرتله ساخلا. بیز پیغمبرلیق امرینی اونا اوشاقلیقدا وئردوق».

امام رضا (ع) 35 یاشیندا اماملیق مقامینا چاتیر و 47 یاشینا قدر اولاد صاحبی اولمور. یعنی 12 ایل بویونجا دوشمنلر او حضرت بئله سؤزلر دئییردیلر: «پیغمبرین روایتینه گۆره شیعه اماملاری 12 نفر دیلر کی 9-و حسین بن علی نین (ع) نسلیندنیر. بیز سنین اماملیغینی نئجه قبول ائدک بیر حالداکی اولادین یوخدور؟»

حضرت جوادالائمه نین ولادت آناسی نین امامتینی ثابت ائدیب شیعه اعتقادینین گوجلنمه سینه سبب اولدو. اونا گۆره او حضرت دونیاا گلنده امام رضا بویوردولار: «اوندان داها برکتلی مولود دونیاا گلمه ییب».

لینک مطلب در سایت : <http://torki.tebyan-tabriz.ir/?MID=21&Type=News&id=1372>